



見素詩集卷之七

七言絕句

題朱淑貞像

淑貞善詩詞嫁爲市人妻自悼非偶邑邑而終

花蓋開殘小院秋鑑湖春色水東流垂楊送盡鸞鴛老不得同依燕子樓

漁者

秋水長江一葉船浮生如梗付青天六鰲不動金鉤小月白風清夜未眠

牧者

披豁桃林受晚風青山不改夕陽紅閒情一曲海
花調牛背逍遙出水東

大理分司書懷

拂衣未得就煙霞半老駘馳是處家短燭循常
官府卧看明月上窓紗

松鶴

江天杪秋金氣清素淡女玉立松風曉嘹亮一聲蕙
帳寒綠陰滿院山月小

翡翠

斷蓼枯蒲兩岸秋孤飛照水勿添愁羽毛不及梁
間燕時有紅粒乞彩裘

紫薇花

感秋紅槿自村村百日風烟此樹存虛白堂深人
不見香無情思步黃昏

題小畫

子鳥飛盡夕陽殘露下秋高木葉乾却憶沅湘江
上路短蓬踈雨操猗蘭

溪山如此良不惡日展騷經三四讀棟梁莫動我
雙松留取清陰覆茅屋

遠公塔

風流一代付塵埃
荔塔秋荒半綠苔
惟有香爐峰上月
夜深時到講經臺

題楊孔昭小景用韻

老懶無羈生意涼
一家十日只漁航
水清沙白魚蝦少
昨夜月明天雨霜

看菊

江上歸來對菊枝
却驚花發已多時
殄英我亦傳芳意
付與青丘白石知

瓦落墻欹柱脚斜
只無風雨是吾家
夜闌小院清

如洗自把書燈看菊花

題畫

桃花梅花參差開
茅柴之屋荒蒼苔
前江夜漲一篙水
何許輕舟破浪來

江上青山伴醉眠
山風吹散一江烟
白頭浪靜蕪葑短
三四飛鷗亂酒船

日日汀鷗伴醉眠
漁簑買斷一江烟
月明浪靜秋如洗
平放中流自在船

小西湖頭步清樾
一窩僅補林巒闕
獨倚松窓日又斜
自了殘經送秋月

忍寬許就野雲還恠底山人愛宿山栢子烟銷春
夜半一方松月照吾閒

題林木石檜

左紐枝還正氣鍾真符千載重遭逢長材自有神
撫護不向人間問螭龍

小景

散人心事五湖邊構得青管屋幾椽昨日窺園過
南埜山風吹斷紫芝烟

東園雜興

素衣不着市塵紅笺篋分來水竹風笑殺林居不

知事慣將日子問兒童

孤雲獨鶴絆吟蹤赤日還添埜意濃高帽長衫白
團扇坐依淥水看芙蓉

深逃蛙夏走南窓俗事無關熱惱降坦腹楠床把
書卷不知鄰笛換新腔

倒着山翁白接籬酒狂如夢復如痴出門不負青
山色自擊珊瑚攀樹枝

城隅溽暑太蒸人熱汗淋漓劇怒噴赤脚層水無
踏處幸投雲水結新隣

紙烟防手探蜂群崖窰房稠漸可分破面雨來爭

渡急埜舟衝斷一溪雲

花過籬笆水遶門殺無拘檢是江村虎皮裀上作
新酒借得林翁老瓦盆

午枕曹騰頗掛牽撒衣竹裏看犁田晚晴帶得荷
花面兩袖溪風載月船

星散烟畦老藥苗風流別野徑行蕉痴心擬踏南
溪看均父行舟立斷橋

屋風吹亂幾重茅紫甲花飛逼近郊呼雨一春鳩
事業乘枝作意護危巢

月白風清細和陶江潮直上與溪島綸竿便把海

門去溪樵舟輕自學操

飽坐榕陰腹漫摩生涯一領綠烟簑八壺或有仙
人過古洞秋深鎖薜蘿

明妃曲

風沙變盡別時顏已近單于邊處山馬上琵琶換
殘夢內中溫旨下宣還

一身雖辱萬人安跡落窮荒敢憚難枕上肉憐自
銖兩且償餓虎一時餐

當夕盈盈淚不乾琵琶強抱帳中彈願得將身奉
天子亦似將身奉可汗

觸山羝狠竟能成勤種畚田學打生奴若與妃共
頭白莫輕胡馬犯邊城

辭酒

老來相見恐無期
湫澗蓮花况滿卮
不爲循常惜
沉醉祇愁月落酒醒時

黃耒軒俱樂亭次韻

乙夜文光照草萊
溪堂斜傍小山開
木蘭滄上無
多里不謂遊人不肯來

得失勞勞幾塞翁
林臬乘棗話相同
亦知差老烟
霞地未脫東周夢寐中

詩肩山骨共嵯峨
車馬來人舊不多
結伴林翁成
醵飲醒時翻作醉時歌

寒泉爲黃廷守作

金削峰高放暮晴
即無塵事耳偏清
蒼松短壑秋
如洗倒踏山橋聽水聲

蘭

蕙芷千年臭味同
先聲初識楚詞中
秋深澤國無
芳草獨倚寒岩信曉風

題子憲紅梅

乾坤元自著吾真
骨立溪山不受塵
昨夜東風換

顏色紅芳欲占杏園春

題畫

了無塵蹟在人間難買千金是一閒試問江門信
所見天留強健寫溪山

九日次岳蒙泉韻

夕林踈響動秋高採菊南山一和陶却掃方臺米
星月不知涼露濕征袍

鳳凰山好亦龍山高節村醅特買開海上茱萸深
結佩祗愁芳杜已無顏

水閣黃花晚正開百年此日強登臺巖壑杯酒非

能致薄爲南山老面來

山風扶醉菊花前放浪乾坤我亦仙瘖物特名博
窮健也應物色記當年

生死恩深感激餘漁竿送老竟何如郡符解脫輕
如棄不賣文章賣草書

插梅用東石韻

烏紗素雪共踈花風味相傳亦我家醉拂石床坐
臨水待黃昏月看橫斜

題畫

博山栢子夜聞香揮羽松根素月涼楓落草橋人

不到野鷗眠滿水雲鄉

題蘭曰謝庭清韻

素絃聲斷雨斑斑欲獻靈修祗厚顏臭珠何誰問
清曠差強人意只東山

題畫圍棋

舊作龍坡讀書
時也錄見先兆

了日山雲弄六韜無情勝敗亦勞勞近來局子愁
看隘不放先生一着高

題松窓小景

老懶無堪不出門萬松烟雨失江村
逶迤十里蒼苔路自起山中訪白雲

題畫

黃葉霜林動杪秋木蘭烟月泝寒流姓名自著溪
山籍不上雲臺上釣舟

盤礴雙松宿暮烟老人心事撚鬚前石床不作周
公夢溪月山風伴醉眠

歲晚書事用劉後村韻

瘦骨添义面有苔幾還素髮得春回柑傳歲酒休
深勸不是年來是老來

几閣攤書慰次寥水清門巷覺非遥火盆亦是閩
鄉土社鼓陪街唱乞樵

買得新居勝舊寬
債深人事轉多難
非仙非佛誰
羈管合理扁舟向木蘭

挽陳原竹蕭尹珎之父

辛苦諸兒授一經
邇來捧檄重心情
豈知江爾原
頭竹不似平安昨報聲

題畫翎毛

敗蒲殘葦暗江干
並影西風訴急難
明日紫荊春
又遍頌聲龍德殿中看

題畫

足音無喜是逃虛
了責溪山僅此廬
它日管陶高

士傳半篇愁殺史官書

病中孫太守走弊謝文口占答之

口渴心煩目惚慌
三千牛蟻正吾床
人扶起拜先生
賜指點岩花尚幾黃

是是非非天下極
裝裝點點世間疑
老盆秫酒妻
兒醉卧熟花陰春不知

戲梅

以下至詠梅俱次石齋韻

披寫花前一瘦吟
泚風渚月是同心
廣平我亦肝
腸在翠羽何知說古今

紅梅

母甚高之且一家東皇隨例變鉛華霜鬢食雪眉還
風骨不似春園泛泛花

惜梅

未怯三分土與塵舫齊除此即無春雪殘尚與香
相妬飄落殘花故滿茵

憶梅

水邊籬落定新葩闕越孤山幾歲華欹枕月明清
不寐且憑踈帳坐梅花

墨梅

破除脂粉置吾真一笑江天欲脫塵大手元章讓

前地乾坤容有奪神人

見梅

一清相累每貧家借鶴扶衰更水涯樂裏不支頭
白盡江村猶似去年花

尋梅

行脚春將老倦於心倦於事此溪溪裏幾寒早得乾
坤信花爾詩邊是酒邊

對梅

一年奇事幾多天動氣乾坤此理難言自不言心
自計要除癡病也吾儂

淺碧深紅豈悟冬酌花臨水觀春一春敢作相
先地收歛成功却坐儂

和蘇
雲水經心兩鬢殘病銷風骨也
歸去分付浙西雪月看

詠蘇

回薄溪山不受貧橫枝又動水
佳報何許看花不見人
踏磴穿崖老與孤竹間明
何力元氣乾坤自不枯

膠雪幾花春勘破橫江一葦鶴尋知草庵突兀仍
容老真本西湖大幅詩

林園催懶謝烏紗粒粟乾坤納我家荒谷夜回春
幾許斷簷揮杖數踈花

秋髮柳蓬催短景春鐘淪雪瀉幽香梅花念老病
無方自欲移之置我傍

一拳收仕小羅浮雪月風花為稍留林屋換回塵
上夢枕肱春事古槎頭

題竹栢萱草雞冠花

千畝誰人置腹中水烟山月且為容籜龍斤斧吾

能救飽挹乾坤一味風

斷榦剥苔秋更老孤根絡石澗猶懸片明古廟陰
風滿猶記君臣際會年

好是東風一度來北堂雙眼更誰開含情欲假乾
坤力移作葵花深處栽

擁膝花前坐不歡紫莖舟棹晚風寒馬啼後夜雞
聲月羞對山僧說掛冠

題畫次石田韻

到頭奇事只江鄉深底溪山歲月長何許將歸同
調曲桃花春水就漁郎

遊蔣廟次汪鼎夫韻

山前栢裏望靈光古廟丹青接五王口德不須論
祀典且看猿鳥笑人忙

拂袖長歌歸去來湖堤瘦馬又今回偶閒且卷山
雲卧不問林花開未開

黃塵白髮未人情大造恩深荷曲成雪後園林且
孤往春花明日是陰晴

綠苔重掃卧碑看無價乾坤是一閒帶礪山河幾
白馬留侯之外更中!!!

荻步瓜洲接遠湖人家鷺鴨亂鷗鳧鳧內橋故地高

如許畜水攻城是失圖

題松石

相從何處復吾琴老大催人思轉深聞說迷途終未遠蒼松白石兩同心

麗人詞

春心消盡向年華聖主恩深放出家隨例秋枰宜
內昔柳風吹袖髮鬢斜
梅花帳小月朦朧消盡清容向鏡中複道分明借
顏色雪獅擎出蓋珠宮

書閒休沐住西清雙被鴛鴦繡漸成近日君王斷

遊獵莫教花樹更啼鴛

題畫

東溟何日盡桑田十二樓臺隔暝烟只亦仙姝還
夢裡長虹欲渡已無緣

刑部後堂紫薇花落

我不爲郎興亦賒後堂百日對晴霞封姨果是深
相仗纔見開花又落花

題畫次韻

濯纓亭子半欹斜石作門楣樹作家無數白雲舒
復卷最高峰頂未曾遮

楊邃庵待隱園次韻

十丈紅塵隔便清，千金無買是閒行。
寒烟紫陌平看破，芳草何知亦世情。

地幽不放一塵侵，柘葉鳩鳴作午陰。
一曲將歸無別調，百年送老是山林。

花竹栽成石更移，天工人意頗爭奇。
近來蓬島人間世，弱水西流信未知。

東園先生長江霽雪次韻

壓樹雲寒晚不收，木蘭潮上古陂頭。
梅花一地昏黃月，且共遊翁載鶴舟。

雪晴雲散海天長，一種溪山入混茫。
月落酒醒眠未穩，冷風吹度野梅香。

仲春書事

催老光陰疾轉蓬，新年遲局謝東風。
江城二月春來半，惟有櫻桃一樹紅。

次李東厓惠六安茶韻

紫茸新雨動春鎗，天柱風迴味帶香。
桂瓣龍團試湯水，車聲隱約繞羊腸。

血食何功陸羽祠，六安香焙幾芽茨。
頭綱八餅誰重致，水味尋常我亦知。

題畫

一開天與作溪翁拄杖行沙過竹叢
葺屋人家知近遠數聲雞犬白雲中

溪轉前峰路屈盤樹間屋子得多寬
養羞自領山雲宿看竹隣家過亦難

江上煩囂隔數重遠林晴日白雲封
亦知歲歲開花草自老青山對兩松

桃花落日武陵溪夢裏仙舟路不迷
蘿屋青林知近遠數聲流水一聲鷄

竹杖綸巾出每慵一關時付白雲封
近來學得伴

生理老耳青丘自聽松

失放閒雲飛出關天雨未雨江漫漫
茅柴走坐覓吹火陰沴山翁老骨寒

幾逃鞅掌別人間只續黃庭也未閒
隱几蒲團口跌坐秋山對我我秋山

鶴鴉次謝方石韻

涼落秋聲幾斷荷相扶力淺意還多
悲鳴昨偶分荆下猶聽然其煮茗歌

題畫

疎樹殘霞接素秋晚風黃葉漫隨流
道人不作遊

仙夢一笑真同訪落舟

畫菊次韻

江上風高樹葉黃數枝涼落鴈前霜
即饒紅紫非輕態且不凡花一例香

題畫

象外無言正怯真意中泉石意中春
草亭僅少水蒲薦睡老江湖漫浪人

芙蓉

玉井花殘春此遭秋香紅日動新袍
晚開後落落還天意莫漫東風對碧桃

孟子去齊

授室徒言養萬鍾衷腸仁義果誰從
連橫夜入朝金印不是真龍是真龍

土梗生靈決戰爭當時天地果何情
七篇今日人心正王道公身不可行

題畫

老提清局按流年古樹寒藤宿暝烟
頂笠裹衣成大睡不知茶夢月同圓
鎖甲蟠枝暗綠毛野清山月不曾高
青牛斤斧深能赦老耳天風夜聽濤

仙夢一笑真同訪落舟

畫菊次韻

江上風高樹葉黃數枝涼落鴈前霜
即饒紅紫非輕態且不凡花一例香

題畫

象外無言正怯真意中泉石意中春
草亭僅少水蒲薦睡老江湖漫浪人

芙蓉

玉井花殘春此遭秋香紅日動新袍
晚開後落還天意莫漫東風對碧桃

孟子去齊

授室徒言養萬鍾衷腸仁義果誰從
連橫夜入朝金印不是真龍是真龍

土梗生靈決戰爭當時天地果何情
七篇今日人心正王道公身不可行

題畫

老提清局按流年古樹寒藤宿暝烟
頂笠裹衣成大睡不知茶夢月同圓
鎖甲蟠枝暗綠毛野清山月不曾高
青牛斤斧深能赦老耳天風夜聽濤

城回疾走到江邊
咿軋無聲月在船
心急口乾呼不得
江南人盡過家眠
十年壞浦一吟窩
自插松枝補薜蘿
白首殘經作頭對
不知門外是風波

寸草春暉次韻

雨晴煙碧葉初深
拄杖行吟思滿襟
勾引東風誰氣力
積千長恨到柔心

答沈休齋用韻

液雨枯廬守病身
麻衣削杖果容春
絕聲天地不堪訴
苦是江門壽命人

天荒地老未亡身
掩夜玄堂豈再春
莊寓贅疣今一信
魂消魂返累陳人

宮詞

曉星殘月舊相知
下直西宮睡起遲
簾外風情看得見
一雙春鳥在花枝

題畫次韻

循例流年我亦翁
要樞閒局莫須同
露眠水着微生理
愁對蒹葭昨夜風

荔陰清隱

金谷平泉局局新
天開翠幄謝埃塵
丹砂日啖三

千顆主管風光舊世人

題畫

人境從偏未隔塵
窳堂小結自藏身
閒雲野鶴傳來信
如許青山欲托鄰

紀意

適來通籍木蘭仙
水鶴沙鷗有素緣
沒首滄波償諾責
草蓑藤笠坐江烟
長風吹斷碧溪烟
涼月江心好自圓
三板船頭發長嘯
半醒半醉抱珠眠

次畫菊

水閣持螯酒一中
素懷高節莫須同
蕭條萬家今如許
誰縮青陽格外風

聞雨述懷

豺虎縱橫看廓清
干戈阻絕果人情
行營一枕蒼生泪
今日青天是放晴

見素詩集卷之八

五言律

南樓漫興爲楊孔瞻作

白鶴山盈眼南樓意轉親
疎花煙外暝獨樹雨中春
辭酒醉還妄眠雲間是真
浩然今古句清灑出風塵

素幔晴看捲深杯晚復傳
仙風遺石井僧月上溪
船閣樹酒旗裂盤空鶴翅
圓揚雄詩揔放誰爲破
中堅

會任思順太守

短髮愁看暮丹砂未可憑三山五夜夢雙塔十年
燈魚鴈書還阻煙霞話豈曾草堂花在眼何日共
支藤

題白鶴寺壁

春晚隨詩伴來尋野寺幽敲鐘老衲怪喝道相公
遊茗雪香還淡松雲濕不流楊雄讀書處古栢自
春秋楊文敏讀書寺中僧以栢枝付
之日挿此成栢當貴挿之果然

臨風簾棹

遲日雙溪水春風獨木舟泠泠看下瀨脉脉信中
流出穴魚堪鱸瀕村酒可謀乾坤除老病結侶就

沙鷗

晚步

倚林延薄暮秉炬訊花期地燠春來早山幽月上
遲怒流喧暗壁倦羽寂早枝天意存樗散重遊或
在茲

高黎共

即崑崙山俗
云高良弓

崑崙攀絕頂霧雨日廉纖天近山低棧厓虛石過
簷掬泉仰慰渴藉草未傷廉苦事微官縛霜毛覺
漸添

潞江

鬼方良可住草率亦生涯竹屋下流水柴門開落
花間誰共傲放老不識紛華肅客盤殮簡時能薦
穀茶

蒲縹驛

草亭動孤酌日斂瘴煙昏老屋因風卷清谿帶雨
渾桴鼓新聲在山甌古意存幕門通細火漁唱起
江村

南甸

草驛試初程沙村坐此清水荒溪路斷天闊野雲
橫蠻珎布輸官稅班零田事女耕桶裙憐老嫗跼

伊不成行

沙木龍山

鳥道縈還帶龍山險若傾到岡一水遠傍竹數花
明林壑經多壘風雲識舊營侏僂負恩澤勒馬為
吞聲

憂賴

旅寓無情極詩書祗自憐臨池發孤興枕石抱深
眠藤老多年樹風清二月蟬俗淳征調簡造化若
為偏

咨諏成遠望巒勢入龍從燒草岸行碧晴花溪映

紅上型兼古製木刻自鄉風披豁豁榕陰晚委蛇過
水東

日長了官事倚杖大溪濱沙石淨臨水煙花閒度
春科頭風到竹招手鶴隨人茅屋青丘晚漁樵感
卜隣

檢資驛次壁間韻

南詔臨西極風行自四時兵屯驚路澁山瘠見春
遲憲節初分按騷文舊續離大姚瞻不遠痛定有
餘思謫倅姚州未
至詔復南曹

沙木和驛

犇馳牽冗累戍削冒江氛愁逐夢千里春添老一
分鬼跳當徑入猿響隔山聞霧色津亭古沉綿臥
夕曛

和翠渠題陋軒韻

幽偏良此地低小亦五軒樹老藤欺屋溪回水抱
門浮生謀竟拙春事理仍繁挂索誰能過篔簹得
細論

送汪良夫上舍

客路阻風沙離心逼歲華潮平今夜月梅作去年
花囊遺書還構天寒酒可賒席珍逢

聖主非久在煙霞

送黃清由蘇還京

客鄉涼雨夜歸夢共悠悠風物自吾土煙花非壯
遊一杯殘更寫尺牘便還修金馬山高處憑誰獨
倚樓

方氏世蹟四首為惟裕教授作

烏山祖祠

香火烏山下陰風滿舊祠斷垣依宿莽古木傲新
枝俎豆衣冠變星霜第宅疑本源如可溯因得系
相思

畫屏啓緒

桑梓連陰地煙花滿畫屏兔絲風欲嫵書帶雨還
青樂事存三選生涯寄一經草堂窮巷裡無負此
山靈

東隴流芳

僑居厭塵擾卜築倚東村德澤多人世書香幾子
孫植蘭今不啻流水故能存極謂城闔遠高車日
到門

太湖衍慶

地僻迷山郡峯多接海城湖光通漢白月色到波

明水自何年注流於此派清滿前濯纓者居半是
儒生

題周惟中畫

獨屋短臨岸雙峰平出雲樵蘇非左計泉石有餘
聞肅客彈冠少看山倚棹勤前村許沽酒深酌送
殘曛

寄東丘老

吾愛東丘老煙霞足此生命將時獨蹇心與境俱
清野鶴晴教舞汀鷗晚借盟著書陶歲月茲意在
躬耕

漫書

村鼓動新晴山風拂去旌病除身差健險盡路還
平溪水幾泓碧梅花數點明老猿誰仗汝孤嘯喚
愁生

初日射征裳春風野草香石苔欺鳥道雪水落漁
梁此地足遺世天涯亦故鄉百年知底事徒爾結
愁腸

麻溪堡

輿地居南服風光異北州橋荒經雨斷水淨夾花
流歲月成淹滯煙雲任去留滇池明日道題甍見

人羞

亂山深入竹獨徑下通川酷似閩中景猶疑物外
天君人鑽柳火出日散厨烟候吏傳相語
王師近拓邊

下獄聞欲加刑八首今記其二

抱病死將至加刑

命復傳老親猶有賴弱息不須憐臣本比干後君
今虞舜前尚方未賜死感激更誰言

夜夢何曾看身勞病轉侵迂踈一道疏忠孝百年
心淡月籠銅漏驚風撼樹林生還真絕望不使滯

盈襟

真賴除夕卽景

短屋同窮歲幽偏亦自宜蟬聲移草壁螢照點書
帷雨蕨聯新筍風花別故枝冠裳羶魅俗吾道信
居夷

東林用江桂軒韻

初日上蒼涼峰巒接太荒懶雲依鳥徑馴虎臥僧
廊水碧聰明井燈青慧遠堂禪心秋共寂徙倚近
香牀

又黃耒齋韻

雲移過野寺榜散荷

清時獨客歸疑晚雙林預作期柴桑還舊業薜荔
有新枝竹裡逢支遁來者湧月池

題橫山林希吳所藏山水

別樹含秋思攤書坐晚涼澹雲依草閣初月上江
鄉落手煙霞闊藏身歲月長橫山近猿鳥亦伴午
橋莊

所見

蒲屋老孤村春風自席門亂流飛急雨空翠落寒
雲徑窈回人迹田荒散路窮吟歸謀午火峰影送

黃昏

病起見梅

牀褥動三月中年感歲華謝天猶老眼臨水更踈
花消息東風淺經心素月斜西窗夜來夢呼鶴上
仙艇

遠牀身尚怯因月睡還遲拄杖扶何處梅花別有
詩病銷殘臘興春逗隔年期踈格林塘老寒芳祗
自知

呈馬少傅因薦劉東山

惟皇開寶運覆錄老征南文武深為憲華夷舊轉

誦身兼諸葛寄官領畢公銜劔履星辰上天休恐
未幾

開德

朝依毗乘輿禮絕攀睫邊無北虜公後亦東山頗
牧搜羅外伊周想像間未同獻狂警霍食髮毛斑

宿山

世闕惟醉夢吾道盡聲聞縛筏過流水移居住白
雲谷幽遲曉色樹老嚙星文地憶神仙近山風草
木薰

草閣臨江盡僧鐘到岸聞院中紛戰雨溪鳥上盤

雲秘檢收符讖靈龕隱籀文地爐深栢子風骨泥
清薰

鵞湖書院用鄭東園韻

地率因人顯鵞湖世盛傳觀風重吊古飲水獨知
源一事關名教二薰謁昔賢清遊天假便振袂碧
峰巔

楊邃菴約夜過不果紀懷二律

落日牛兒路秋風燕子家臨門候車騎把手話桑
麻自掃霜臺月誰看夜菊花栢烏啼院靜漏下斗
杓斜

坐久羅衣薄窓虛海月斜年華催髮雪人事上燈
花孤跡泛於梗歸心亂若麻明朝話相憶春水白
鷗家

所見

徑委地成僻江寒花自春僕痴麤識字鳥狎故投
人蔬筍元風致萍蓬亦性真臨流漱牙頰餘潤襲
衣巾

題畫

老屋長松外亭亭江上峰滄波明遠艇落日在高
春林莽生來癖纓簪老去慵籬門數花落春去有

遺蹤

初夜涼

角巾坐深夜伏書氣微平月出大溪水天高一鴈
聲滄浪書髮短漫浪酒船橫鐵笛知何向煙蘿了
此生

鬱熱遣將半孤懷事一開科頭跣履去江上有風
來月黑海潮小秋清城角哀乾坤何老子獨夜此
登臺

可吾軒次周翠渠韻

諧俗了無韻相諧亦此軒懶雲推不去惡竹洗仍

繁野意我先得幽懷時獨言
南山相對晚黃菊正
江村

溪山樂

水國斷儔侶生涯寄翠微
菰蒲雙槳出松桂一樵
歸素雪漫生鬢黃塵不到衣
枕雲時宴起鷗鷺滿
漁磯

慈節堂次周翠渠韻

白日湘娥淚紅顏子建詩
仙湫還本脉慈竹又親
枝心事寒燈火年華老布
惟鏡鸞消冷影春去不
曾知

挽方橘泉

玄局神真秘枯禘字化元寢
牀收晚子就木領初
孫雲水桑榆地霜風杞菊村
活人心未死月夜窟
洲魂

春日用陳石齋韻

鑪錘不駐脚年事土牛知
出郭勞官府填街聚里
兒魚龍呈水戲花柳弄晴漪
筭老梅庭月春痕轉
又虧

送鄭汝華次韻

逐水桃花處斜風燕子時
醉揮鐵如意擊碎珊瑚

枝飲散還當局愁閒不入詩溪山難此景別後夢
相思

別鄉人

驛樹迷燕浦官梅動越吟相看今日意同是故鄉
心鶴徑寒沙口漁船綠柳陰滄洲有奇事未老欲
投簪

水莊爲方斯美作用韻

舫齋容老大散髮弄晴漪傍水居成癖逢人出每
遲溪山盤谷賦花竹草堂詩白鳥渾相戀飛來共
釣磯

送伯望負外

水樹閣炎雨江鄉滯短筵秋聲梧葉候霜信鴈來
前客路連三月家書又一年考堂夜孤夢飛遶白
雲邊

偕竹溪坦齋聯句餘興復步韻

黃閣他年夢滄洲此夜心雲澗不作雨鳥倦未歸
林秉燭驚春老敲棋坐竹深梅花餘古調一曲石
牀琴

王辣齋謝少參還家益落持志益堅子韋賢
且文天固定也次韻述懷且道予愧

丘樊無外事濁俗故相侵未識金銀氣難拋柱玉
心刻狹空有棘煮鶴近無琴槐樹春風滿乾坤慰
意深

歲去貧猶在身閒老亦侵團樂今夜月底裏百年
心不好徒工瑟將歸重撫琴分支成欠事五道古
人深

宮中行樂詞次李太白韻

遲日雙龍扇春風五鳳樓宮花明紫禁御柳暗芳
洲中使摧粧解詞臣疏擊毬金鑿舞內旨罷
宸遊

水竹甘泉苑煙花五柞宮長繩繫歸日大袖舞迴
風青鳥來前夜仙鸞下遠空聖明無缺事心賞從
臣同

寶結香羅細粧樓翠幄新笙歌今日侍梅柳昔年
春草厚偏承輦風柔不着人題詩何處葉同是內
家親

徑轉瑤輿逼花深綺席香翠屏移孔雀碧殿轟鴛
鴦禁柳垂朱戶宮娃出繡房曲長春正沸羯鼓在
漁陽

題清上人山房

亂松深古寺衰謝白雲期生滅慧燈盡晴陰定磬
知簷虛江色遠日薄鳥聲遲錫杖西來意曹溪亦
幾支

乞山四律

老顏秋轉索書斷夢盡焚方鴈影數行下鄉心一夜
高巾車前粟里余馬日蘭皋孤棹隨漁父天風泝
海濤

散途寬著脚荒徑漫蕭資草作定夫出衷由令伯
辭夢前書日到親後別時衰僭瀆居臣罪言歸意
恐遲

重失山靈信人間極歲年西風兩回鴈南日一歸
船景迫情虞阻天尚聽轉憐百心衰白在餘事海
鷗前

樗壽曾妨散松燃恐誤明下風從汲鷺未局愛陶
輕蓋軫車心計林區獨意行石田秋穰稔兒女望
收成

竹

斷靄橫天外青山落水中林稀行野鶴筍熟過溪
翁索莫無諸事蕭疎又一風炎歎移處薄披寫此
君同

松

身輕疑舉鶴幹老欲蟠龍品合文章選材宜匠石
逢蘇仙重別派韋老舊真容碎穀相從夜巫山十
二峰

洪都行臺寫懷時弘治壬戌除夕前二日

燈火心何地江湖夢亦真年忙將盡夜親老未歸
人何藥可投病無詩不祭神煙波明日路鷗鳥避
閒身

新昌多賊巢北路久梗特往宣

上恩德是日大雨雪線路行百三十里比五鼓

方達瑞州王武獲四賊來獻

線路納千盤山靈識肺肝鬼門經亦憤虎穴探曾
難水沒魚蛇促泥深風雪寒飢羸毆赤子褰幘動
悲酸

跛不憐飢馬艱危感斷與虎狼百里外風雪四更
餘境寂聞新鬼烟寒悉故墟曲全
明主意焉忍話祛除

遊白鹿洞

碧龕容小坐心遠異人寰午盡初收雨雲還未到
山冠裳五老後俎豆二賢間致道深諸子鑪鈍亦

此關

彭澤狄梁公祠用清獻公韻

齊明躬祭夕孤寒話當時鬼作神奸覩身隨國步
危綱常萬死外宗社一匡之老柏蒼藤晚英風萬
古祠

湖口我

太祖誅陳友諒降其兵于此臣詩紀鴻業之定
也用文山韻

鬪野雌雄定西南霸氣亡皇王端有象神武故無
旁賊火違攻策靈風轉戰檣瑞符開寶曆湖水共

悠長

德化高良寺

肩輿歷風雪偶爾愜清遊萬竹深藏寺三山近映
樓禪心溪月曉官業野雲秋自悉前征晚貪閒為
一留

十二年前夢塵關復此遊綠雲開萬徑青雨下山
樓嶽峽遲生曉崖泉隱帶秋石床甜小憇我不為
僧留

題子野畫

夜色秋同淨林居意轉慵庭間一六月風斷隔溪

鐘古樹藏紆徑晴流帶遠峯前身白雲化踈散不
從龍

避雨

暝色雷初動風聲雨未來斷愁心轉促近寺僕還
猶遊走閒爲祟垂踈澹作媒石床安小憇重是一
懷關

石岡樵隱

石檀孤榻靜岡雨一肩遲草接樵時徑雲踈落處
枝青半經化日白鶴滯歸期桂樹蒼霞晚長風吹
雲絲

草碧烟霞性江清魚鳥群閒愁幾杯酒生計一枕
雲花雨石苔潤天風岩桂芬暮生兒輩累名與世
間閒

題山齋畫

掃軌柴籬靜披荆拄杖來大都無徑入小第爲山
開海月臨書幌松雲下釣臺滄江起龍臥噴薄夜
風雷

病嘆

兩兒深作炒腰膝痛仍寒不信移前便翻增額後
難金丹渾漫浪末樽重衰殘風物沉冥夜燈青泪

暗彈

舊恙秋頻作年深頗厚虞藥爐妻子厭茶話里鄰
踈水棘荒平嶼風茅卷散廬乘除有前命薄累送
閒居

鍼石功何奏寒邪症轉奇回腸夢中斷老泪枕前
知掃戶曾今雨防身已後時一燈情事外明滅護
餘悲

體羸深自念藥誤敢重陳屬事難愚子權詞答老
親虛煩幾日候輕重一家身根著還生意乾坤荷
至仁

殷浩

管葛當時論興亡此公名虛宜束閣事惟漫書
空自領中軍命曾收北伐功達函窺底裡扼腕負
英雄

野出

澤國群山圍菡蕪白鳥家雲居木蘭杪野飯荔枝
斜鳩逐天將雨鴻冥菊正花境偏償老分文字冷
生涯

得雨志喜

洒洒踈仍斷番番救復稠
快焚賢守念寤寐老農

憂人事閑天意公神協鬼謀爵煩輕一洗蒼色起
園疇

竹深留客

野性流幽寂谿雲便起居覓音二仲到斷飲七賢
踈蒼雪併懔下真風領袖餘按方時食筭草宿共
逃虛

得漢雜詠

草屋閒公事孤懷自野人苔斑經雨重林翠上衣
新老骨風偏利宅鄉夢轉頻郎當憐舞袖清野尚
紅巾

帷幄紆籌外溪橋小步清地環三玉澗天鑄一銅
城猿鳥斷迎送江山閱戰爭太原周薄伐真宰自
皇情

日薄境將曠江空人未還宦情輕故葉秋色易前
山齒髮難藏老林立不買閒一機酬世外戎馬又
閑閑

江津與賊隔江而陣麾兵殪之良捷辛未九
月十八日也是日自子至戌水米俱絕

兀水又烽烟千心此陣前精神戎馬盡人事歲時
遷淒冷城空在艱危命幾懸一飢徹晨夜麥飯竟

誰憐

兵勞下血元日之晚大作噫未畢功也英雄
之恨母亦又此

卷舒良自定生滅此何疑雲水扁舟在風塵一劍
知抱餘斯世念悔晚昔賢期辛苦關基日應煩
聖主思

杜陵夔州移居用韻

浣花涼落外魚復縣寄孤城地得三高勝公夔三遷昔名
鰲詩於八興清綠楊春水漫啼鳥千峰晴灑瀨堆
前石何年見掌平

蟠龍山梁萬界

薄伐申前令艱危寄折衝關山餘老馬筋力盡蟠
龍洞瀉垂天瀑梯回駐日峰洗兵煩一挽壓郊靖
殊完

磴轉壓根斷雲翻地軸浮接天無鳥度隔洞有龍
遊金革憐時運江湖與世憂遠峰晴萬壑寒碧認
忠州

梁山趨新寧黃茅絕頂月與人並

炬火分宵路黃茅盡頂山猿聲時下斷月色好平
看戎馬分心際間閭卽事間飄沙十年臥別自

區寰

述事次謝雙湖韻

鞞鼓邊聲亟江樓海氣高腥風餘齒齧細政盡時
膏路曲羊腸遠塵昏馬足勞腰間誰寄劍吾老不
能豪

入秋偶成憶遂菴

疎樹留殘暑平蕪帶夕曛簷聲初下葉峰影暮歸
雲野笛隨漁唱遊鳥雜鴈群草壯時看雨相憶紫
芝薰

毒暑添殘焰微涼生晚晴日移南至影鴈度北來

聲草露行秋澹山風作夜清疎稠自時事湘簟欲
忘情

流火行金氣吾廬亦水鄉夜便一覺睡熟嬾不如
涼月院碧梧冷山風紫桂香茶瓜酬老分聞笛據
胡床

露下夜如洗神清夢作疑金甌元得氣雲水亦逢
時月起沙鷗亂天如海鶴遲小山遙繫綠叢桂舊
襟期

雲莊晚望

窅谷小扶醉松枝作綠煙青烟出墻竹白水渡湖

僧見鴨潮聲散樓臺海氣凝遙鍾沙際市枯葉亂
漁燈

獨鳥陷江色寒蛩訴夕曛病除三日酒荒斷一溪
雲石古霜苔剝崖幽上木薰他年附梧栢下馬竟
誰墳

藻薦勤三沐弓藏辨四休羊拋流水去身伴野雲
遊館燕尾連壘程魚歲別洲豐穰占菁條蘆管荅
田謳

王味槃訪雲莊登絕頂次韻

滌迴通小棹衝雨訪南莊食礫故知珠蒸烈不問

方鄉問心獨付年齒分都忘野色明看放風雲作

小狂

出懶鳥窺戶生齊竹映莊選幽移小步眺遠入無
方立壁身如寄歸雲路轉忘松根同野坐一笑老
仍狂

買舟遊雲莊

雲物秋來澹風情老去消野亭心一寄僕馬路成
遙嶽氣開晴雨漁聲荅晚潮十錢供買榜水月淨
氣分嘉

登東岩松崖山齋偕會

數武東山約西回始病翁天垂漲海白春盡落花
紅舊樹疎風雨殘經耗鼠蟲世機便就脫掃石話
真空

羊裘參鶴侶鳩杖訪烏山花雨岩前落松雲海上
還春垂三月盡天放兩翁閒勝日煩招引詩流共
一班

密陰崎徑滑虛壁小堂幽歌鳥嬌相命貧僧懶自
由乾坤雙脚住島嶼一塵浮城郭歸年鶴長松認
古丘

倒石筍橫出延岡勢獨降青烟稠萬井白浪壯三

江蚪斗行新篆梅花寫舊腔古榕陰十畝春雨碧
油幢

林塘漫興為楊孔昭作

林居絕幽僻烟景即天台徑窄山窮轉窓虛竹上
開微涼生草樹落日在池臺烏角巾斜岸絺衣步
紫苔

玻璃

解帽滌煩滓山風水氣涼官塵非往日吾道信滄
浪到海心逾壯為霖意轉忙蕙蘭暗秋谷泉石有
餘芳

南山舒嘯

作客鬢毛短瀕秋草樹黃淮山幾興廢天地一行
藏位豈久人下公猶過我狂幅巾臨鳥背孤嘯海
烟蒼

象戲

手勢縱橫外風聲勝負時忘言深對坐運意默相
持象戲能神妙車攻重世疑一機吾到淺當局看
成痴

邊堠急書愧

蜂衙艱實課燭炮易看灰國手臂三折邊聲腸九

回廟謨紆睿注將領伏竒才逐北何時奏幽懷盡
一開

憶上生寺

秋色重秋巖人情致短絨中峰雲際寺落日鳥邊
帆足澁翻成繭風疎未脫銜石楠坐花月涼影動
寬衫

用曹臞菴韻挽陳西潭因悼王南郭

海天懸老淚世道哭諸賢南郭滄朝露西潭鎖暝
烟承塵舍服夜易簪夢蛇年淒冷屋梁月生容一
宛然

偶成

獨屋臨江構橫門倚竹開鄰家送紫蔗勝日步蒼苔
苔夜喜德星聚人偏舊雨來武陵客何許為我致
桃栽

自愧

少日宛如昨輪迴我亦翁老看書不入窮覓句猶
工細草雲雙屐梨花雪半蓬江湖自巢許詐敢附
高風

夜寒

落地唾成堅神清重少眠窓虛留海月夜久落風

泉衾被霜生氣槐檀火不權客鄉懸桂玉東郭
仍空

静海寺即景

海寺春尋到烟霞味轉濃鵲巢寬樹限是柳因鵲巢不疑
雀食斷僧供昔日雲根濕連山地耳重閱江樓近
在落足取高峰

閱江即景

禁扉通曙鑰殘月重登臺貔虎三千壯関河百二
開日華當海出春色過江來官柳垂垂綠林翁到
日栽

塞下曲次李白韻

戰馬窮年汗胡沙六月寒紫髯遙易識白骨冷羞
看霜月深提劍風塵老據鞍軍中間奏凱逐北盡
臯蘭

武寧道中

亂雲經積石分路轉盤阿雨樹蒸芝菌烟含龍織烏
蘿幔坪催院馬落日在漁簑憇心香牀晚僧鐘意
若何

懷曹愈憲

契闊此何地行藏亦老天人心三代上春夢一燈

前述作傳幽意樵蘇領暮綠鴈菱開橘酒白羽太
湖船

贅附手看脫高懷事一攀江空知鳥倦雲白似公
間水石斷迎送山風辱往還滄浪話漁父知是幾
溪灣

野寺

寺隱路常棘心多足轉麻仙方神煮石禪飯老蒸
沙桂月得秋好魚風作樹斜短舟吾不薄遇處即
為家

夔府題武侯祠用杜工部韻

起落煩

成命前征訪古祠下風一搔首遺像幾褰帷山斗
瞻依地雲龍際遇時素懷公亦領樗散重裝遲
百心還世責一力敢公祠勝蹟留前陣英風轉
惟蚌持畏虎日灰滅殞星時白首拘儒泪人龍出
悔遲

白鹽山和杜

峭虛連頂踵素潔盡中邊在日宛風絮無時誤雲
天喚知棲處鶴架認覆時船遭際山仍晚公詩重
首傳

著舟疑井底縱目上雲頭具闕二千丈玉關十二
樓厓陰月到少樹不鳥棲愁故字今磨滅巖城認
古州

寄待育待受

世幾得長謝心法煮而曹官職得閒好聲名不出
高餌芳魚坐口身劫翠因毛護養餘元氣閭閻化
野蒿

率物須端本資身要自持名家與人異心事有天
知黛假多官賊傭當愧市兒兄言太狂直書笏備
箴規

臨滄漫語

立壁行荒蕪臨滄寄此亭舊巢新燕紫夕景早齒
青撼嶼濤飛雪鑄詩石帶星悔前今短日都盡碧
山靈

遊雲莊

息煩邀旅住搜勝結山行村酒聊農話雲庄亦野
情江烟晴鳥白鹿去夢午風清舫棹迴瀾晚歸樵水
笛聲

雲庄漫言

飼牛輕世責掃軌謝人群簷送千峰雨僧歸古洞

雲窓虛林鳥入荔熟野猿分立壁蒼霞外山書冷
舊文

翠庭草堂次韻

鳥寂斷香夢亭虛繫物華山林到城郭雲水會人
家暝落窓前葉香傳竹外花一區遺世在慰老托
烟霞

右軍傳筆格處士接丰標泉石境難畫耕漁興可
招杜門消短日飽飯答清朝引鶴西湖路春風第
二橋

素洞漫言

畸境寒居洞踈風大若岳崑岑臨野水仙犬隔塵
凡起草曾長檄移花有近函屈伸形化外吾老謝
巫咸

鄭少谷山齋檠谷遊麥斜因宿鯉湖病不得
借夢往焉四律

雲物嬰情會麥斜經幾秋緣隨方外結老作夢中
遊厓竹青烟細仙龕紫氣浮藥爐虛壁半吾老憶
丹丘

山雀花枝亂湖風鬢髮寒入門驚老醜流水識春
殘秦洞衣冠古仙家禮數寬鶴駝浮碧外鷄犬住

雲端

林影踈星淡簫聲素鶴高湖空曾九鯉海熟已三
桃野飯投茶甌山風作布袍據床深老氣抱病愧
詩豪

浩興覓誰伴靈蹤遙許尋篆烟僧閣近蘿菑石門
深白社酬三子真風寫二林谷幽傳警效猿鳥賀
知音

少谷同山齋檠谷遊九鯉病不及借次韻

廻合盤千障逶迤歷幾溪村孤尋作黍登斷一支
藜堯草澗猶濕秦花路轉迷風駘前令急山鬼作

人啼

赤日午尋見山冥欲作雲石枰約樵侶湖藻狎魚
群木亞峰平出入似語倒聞碧笙時借雀麾手謝
囂紛

地幽塵不到僧定午猶關山雨暝叢竹松濤喧暗
湍角狻衝菓落度鳥見人還束縛超何嚮憑高意
渺漫

斗龕勞拂拭款蹬謝推排樹石作竒勢山雲生壯
懷雨昏前憇洞字滅舊磨厓假寐僧牀短鐘聲欲
暮齋

豕魚歸節束蟣蚤謝爬搔自分遊決奔猶時夢羅
騷江風桃竹杖林雨木綿袍送老烟霞伴棋枰共

版曹

了玄參道侶知白謝曹卽火食緣誰割霞樓迹許
藏身輕辭吏責貌美作名妨為約安期叟神遊遍
八荒

寒谷姪以御史䟽取佛謫外嘉靖

新詔首復其官轉守三衢予欲其純用古意

以子牧疲人為新政幸

大治陶型外名家况味存孤忠韓愈䟽直氣邵州

孫

詔起冠裳郡人歸禮讓門經心清獻墓殘照下煙
村

習頗循時陋心多用拙存君侯問風俗

宣聖幾兒孫孝弟行州里清貧見郡門濯纓亭上
望桑棗暗江村

送方宜賢之婺川二律

味澹還相信風疎頗自宜貞剛為今日索落過家
時別調離腸遠先聲辭髮知南中山水地笋熟麻
芽肥

海縣多年夢雲庄幾日遊如僧聊共夏為客動經
秋歲儉沙田薄山深草樹稠移風還禮樂絃誦變

蠻語

憐待受弟一素風疾復發旬日不食猶作詩
自解詩以壯之且願之

病劇詩還放腸枯粥許難屈伸元自定生滅汝輕
看福豈一身備心應六子寬乞天憐愛弟雲水話
清安

待受又稍稍食喜之

十日斷糜粥今來復水漿語言粗易了步履未深

幼似有回天力真傳辟穀方靈均心上話惟有壽
年長

贈黃元和助教次山齋

鉛槧深儒課甄型重講筵坡翁時破硯鄭老舊寒
種圖演先天象經傳小夏篇食貧應出晚東井夢
常懸

見素詩集卷之八



